

Nunat tamat akornanni aningaasaqarneq B - 2022

1. Ilanniartitsissutip inissisimanera

Nunat tamat akornanni aningaasaqarneq imaqrpoq nunami namminermi, Europami nunarsuarmilu inuiaqatigiit aningaasaqarnerisa ineriarornerannik. Ilanniartitsissut taamaalilluni aningaasaqarnerni ammasuni inuiaqatigiit aningaasaqarnerisa ineriarornera pillugu ilisimasaqarfiulersarpoq paasinniffiusarlunilu. Ilanniartitsissummi sammineqarput allaaserinnilluni aningaasaqarneq aamma aningaasaqarnermi atuagarsorneq periutsillu. Ilanniartitsissummi inuiaqatigiinnik ilisimatusarnermi periutsit atorneqarput.

2. Ilanniartitsissummi siunertat

Ilisimasat piginnaasallu

Ilanniartut nunat tamat akornanni aningaasaqarneq pillugu imatut ilisimasaqartigissapput, nunat tamat akornanni aningaasaqarnerup inuiaqatigiinnut pingarnerusutigut pingaaruteqassusianik paasinnissinnaallutik, aammalu oqaluttuarisaanermi maannakkullu inuiaqatigiit aningaasaqarnerannut tunngasunik ajornartorsiutinillu allaaserinnissaassallutik, nalilersuisinnaassallutik, qisuriaateqarsinnaassallutik isummersinnaassallutillu.

Ilikkagaqartarnermi sulinermilu piginnaasat

Ilanniartut suliaqarfimmi nutaanik ilisimasaqalissapput, aaqqissuussamillu piginnaasaqalissallutik aammalu nunami namminermi, Europami nunarsuarmilu inuiaqatigiit aningaasaqarneranni ajornartorsiutinik paasisaqassallutik paasinnissallutillu.

Inuttut inuillu akornanni attaveqaqatigiittarnermi piginnaasat

Ilanniartut sakkussaqassapput inuillu akornanni attaveqaqatigiittarnermi piginnaasaqassallutik, taamaalillutik inuit attaveqaqatigiittarneranni ilanngunnissamut suliaqarfimmi tunngavissaqassallutik taamaalillutilu inersimasut tusarnaartut nammineq naleqassutsimik annertusisitsiniarnermi inuttullu ineriarornermi ikuullutik tapersiisut naapissinnaassallugit.

Kulturikkut inuiaqatigiillu akornanni piginnaasat

Ilanniartut inuiaqatigiit aningaasaqarneranni ineriarorneq pillugu qisuriaateqarlutik isummersinnaassapput.

3. Ilikkagassatut anguniakkat imarisaalu

3.1 Ilikkagassatut anguniakkat

Ilanniartut ukuninnga piginnaasaqassapput:

- a) aningaasaqarnermi atugarsorneq aammalu inuiaqatigiit aningaasaqarneranni imminnut attaveqarnernik nalilersuinissamut periutsit aammalu aningaasaqarnermi immikkoortut attaveqarnerat pillugit ilisimasatik atorsinnaanissaat,
- b) aningaasaqarnermi oqimaaqatigiissaarinermi ajornartorsiutinik nalilerusuineq aamma inuiaqatigiit aningaasaqarneranni aningaasaqarnermi kisitsisit tunngaviusut

- aallaavigalugit aningaasaqarnikkut-politikikkut akuliunnerit sunniutaannik
ningaasatigullu kisitsini tunngaviusuni pisunik nalilersuineq,
- c) nunami namminer nunarsuarmilu inuiaqatigiit aningaasaqarneranni ajornartorsiutit nassuiarsinnaassallugit nalilersorsinnaassallugillu,
 - d) Kalaallit Nunaata avammut niuernerata nunarsuarmilu niuernerup ineriartornerannik nassuaanissamut niuernermi atuagarsorneq nunallu tamat akornanni aningaasaqarnermik suleqatigiinneq pillugit ilisimasat atorsinnaassallugit,
 - e) Kalaallit Nunaanni Danmarkimilu akit ineriartornerat nassuiarsinnaassallugit,
 - f) nunat ineriartornerannik killiffinni assigiinngitsuni nunani inuuniarnermi atugassarisat assigiinngissusaat nassuiarsinnaassallugit.
 - g) nunami ataatsimi inuussutissarsiornerup aaqqissugaanera, inuiaqatigiit agguarnerat aningaasaqarnerlu pillugit tabellit, diagrammit oqaasertallu nalilersorsinnaassallugit,
 - h) paasissutissanik suliarinnissinnaassallutik, tassunga ilanggullugit inuiaqatigiit aningaasaqarneranni paasissutissanik ujarlersinnaassallutik nalilersuisinnaassallutillu,
 - i) inuiaqatigiit aningaasaqarnerannik nalilersuinermut atatillugu inuiaqatigiit aningaasaqarneranni paasissutissanik takutitsinissamut tabeliliorsinnaassallutik diagrammiliorsinnaassallutillu ajornangitsunillu naatsorsuisinnaassallutik aamma
 - j) suliaqarfimmi ilikkagassanik aaqqissusinnaassallutik ingerlatitseqqiissinnaassallillu

3.2 Ilanniartitsissutip imarisai pingarnerit

Ilanniartitsissutip imarisai pingarnerit ukuupput:

- a) aningaasaqarnermi tunngaviusumik atuagarsorneq periutsillu,
- b) aningaasaqarnermi immikkoortut taakkulu imminnut ataqatigiinnerat,
- c) aningaasaqarnermi oqimaaqatigiissaarinermi ajornartorsiutit aningaasaqarnermilu politikkit pingarnerit
- d) nunat tamat akornanni niuerneq niuernerlu pillugu atugarsorneq
- e) EU-mik aningaasaqarnikkut suleqateqarneq,
- f) nunap naatsorsuutaani taaguutit aamma siamasissumik aningaasaqarnermi kisitsisit pingarnerit
- g) aningaasaqarnikkut ineriartorneq aamma
- h) inuiaqatigiit atugarissaartut, inuussutissarsiornerup aaqqissugaanera inuuniarnermilu atugassarisat.

3.3 Illassutitut ilinniakkat

Ilanniartut taamaallaat pingarnertut ilinniakkat atorlugit ilikkagassatigut anguniakkat angusinnaassanngilaat. Illassutitut ilinniakkat toqqarneqassapput taakku pingarnertut ilinniakkat ilanggullugit ilikkagassatut anguniakkat itisilernissaannut tapersiisussanngorlugit. Illassutitut ilinniakkat aammattaaq pingarnertut ilinniakkanni immikkoortunut atassuteqartitsissapput. Illassutitut ilinniakkat tassaapput nunami namminermi nunarsuarmilu maannakkut oqaluttuarisaanermilu inuiaqatigiit aningaasaqarnerat pillugu ilinniakkat, tassaagajuttut aviisini allaaserisat, tv-mi aallakaatitat imaluunniit nittartakkat. Pingarnertut

ilinniakkatulli ilassutitut ilinniakkat sabinngisamik annertunerpaamik Kalaallit Nunaanni nunallu tamat akornanni pissutsinut atassuteqartinneqassapput.

4. Ilinniartitsinerup aaqqissuunneqarnera

4.1 Ilinniartitseriaatsimi periutsit

- a) Ilinniartitsinerni ilinniartut ilinniakkani qaffasissusiat ilisimasaallu aallaavagineqassapput.
- b) Ilinniartitsineq imatut aaqqissuunneqassaaq ilinniartitsisut ilinniarttullu akornani ilikkagaqartarnermi oqaloqatigiittarnerattut sabinngisamik isikkulerlugu.
- c) Ilinniartitsineq imatut aaqqissuunneqassaaq ilinniartitseriaatsit assigiinngitsut paarlakaajaanneqassallutik.
- d) Ilinniartitsineq imatut aaqqissuunneqassaaq ilinniartut soqutigisaat pisariaqartitaallu isiginiarneqassallutik, taaamaalilluni ilinniartut ilinniartitsissutip pissanganartuuneranik, naleqquttuuneranik soqutiginartuuneranillu misigisaqarnissamut periarfissinneqassallutik.
- e) Ilinniartitsineq imatut aaqqissuunneqassaaq ilinniagaqarnerup ingerlanneqarnerani sammisanilu ineriertortsinermi ilinniartitsissut siuariifiussalluni, tassa ilinniartitsissummi oqaatsit oqariartaatsillu ineriertorfiussallutik, taamaalilluni ilinniartut namminneerlutik suliariaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aaqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Ilinniartitsineq suleriaatsit ilinniartunik suliaqalersitsisut annertuumik pingaartillugit sammisakkaarlugu aaqqissuunneqassaaq. Atasiakkaaniit malittarisassat aallaavigailugit ilinniartitsineraatsip, tassani sumiiffinni qanigisani ajornartorsiutit aallavigineqarlutik ilinniarttullu nassuaatinik ajornartorsiutillu kingunerisaannik allaaserinnillutik aamma tunngaviusumillu immikkoortut nassuaasiorneqarnikuunngitsut aallaavigailugit ilinniartitseriaatsip, tassani ilinniartitsisoq ilinniakkat aaqqissuullugit ilinniartitsissumilu tunngaviusumik atassuteqartitsilerluni, akornanni nikerartitsisoqassaaq. Maannakkut assersuutit sammisallu ilinniartitsinermut ingerlaavartumik ilanngunneqartassapput, taamaalilluni ilinniartitsissummi atuagarsorneq periutsillu pissutsini aalajangersimasuni summiiffinnilu qanittuni pisut atorneqassallutik. Atuagarsorluni periutsinik pilersitsineq pivallaarnagu piviusorsiorumik atugarsornermik atuineq pingartinneqassaaq.

4.2. Suleriaatsit

Suleriaatsinik toqqaanermi sutigut tamatigut allanngorartitsinissamik siuariartornissamillu tunngaviit tunngavigineqassapput. Ilinniartitsineraatsit ilinniakkant tunngatillugu allanngorartinneqassaaq, kisianni ilinniartut, taakku ilikkariaasiat pisariaqartitaallu assigiinngitsut assigiinngitsut annertuumik aamma isiginiarneqassapput. Ilinniartitsineraatsit

aamma allangorartinneqassapput, taamaalilluni atugarsorluni, piviusuni misileraallunilu sulineq isiginiarneqassallutik.

Namminersorluni sulinerup, gruppeqatigiinnik ilinniartitsinerup klassimilu ilinniartitsinerup akornani nikerartinneqassaaq. Suleriaatsit assigiinngitsut ilinniartut nalilersuisinnaanerannik tunngavilersuisinnaaneranillu siuartornerannut tapersiissapput. Ilinniartitseraatsit ilinniartut ilinniartitsissutini oqaatsinik, qisuariartarermik ajornakusoortunilu eqqarsaateqarnerannik ineriartorfigisaat isiginiarneqassapput. Ilinniartitsineq imatut aaqqissuunneqassaaq ilinniartitsinermi oqaatsini ilinniartut siulliullugu oqaasii appaattullu oqaasii isiginiarlugit.

Suleriaatsinik aaqqissuussinermi iinniartitsissutini pingarnertut ilinniakkat ilassummillu ilinniakkat aallaavagineqassapput. Ilinniartut ilinniartitsisullu sammisat immikkut soqtigisaat soqtiginartulluunniit ataatsimoorullugu toqqassavaat, taakkunani Kalaallit Nunaanni nunanilu tamani pissutsinut annertunerpaamik tunngassuteqartinneqarnissaat isiginiarneqassaaq.

Allattariarsorluni sulineq imatut pilersaarusiorneqassaaq ilinniartitsissutini allani allattariarsorluni sulinermi siuariartorneqassalluni taakkununngalu atassuteqartitsilluni.

Paasissitissiisarnermi teknoligimi atortut ilinniartitsinermi ilanngunneqassapput, tassani ilikkagassatut anguniakkat tapersetneqassallutik ilassuteqartinneqarlutillu, tassunga ilanngullugu paasissutissanik ujarlernermi it-mik atuineq.

4.3. It

It aamma tusagassiissutit ilinniartitsinermi ilinniakkamut atatillugu sakkutut ilinniartullu iliniartitsissumik ilikkariartornerannut tapertatut atorneqassapput. Ilinniartitsineq aqutigalugu ilinniartup periarfissat digitaliusut assigiinngisitaartut atornissaat ilinniassavaa, tamatumunnga ilanngullugu ataatsimooqatigiiffinnut digitaliusunik allanik suleqateqarneq.

Ilinniartitsinerup ilinniartup eqqarsaatigilluakkamik apersuusersuisumillu paasissutissanik toqqaasinnaanera, misissuisinnaanera naliliisinnaaneralu inerisaqataaffigissavaa. Kiisalu ilinniartitsinerup ilinniartup internet-ip atornera attaveqariaatsillu pillugit apersuusersuisumik piissusilersonissaminik inerisanissaa peqataaffigissavaa.

4.4. Ilinniartitsissummi oqaatsit

Ilinniartitsineq imatut aaqqissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aaqqissuussamik ineriartortinneqarluni. Ilinniartitsineq imatut aaqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaalluartikkiartortillugillu.

4.5. Ilanniartitsissutinut allanut atassuteqartitsineq

Ilanniartitsineq imatut aaqqissuunneqassaaq piffissat ilaanni ilanniartitsissutit akornanni suliaqartoqartarluni ilanniartitsissutinilu ilisimasaqarfiuersunut sanilliutitsilluni. Ilanniartitsissut inuiaqatigiinnik ilisimatusarnermi ilanniartitsissutinut allanut atassuteqarpoq. Ilanniartitsissut inulerinermik ilanniartitsissutit ilanngullugit nunani tamani sammisanut atassuteqarpoq. Ilanniartitsissut ilanniartitsissummut tuniniaaneq A-mut qanittumik atassuteqarpoq. Naggsiullugu ilanniartitsissut inuiaqatigiit aningaasaqarneranni ajornartorisiutit matematikki pillugu matematikkut atassuteqarpoq. Ilanniartitsinerup imarisaa imatut toqcarneqassaaq ilanniartitsissutit akornanni ataqatigiissitsinermut tapersiitillugu.

5. Nalilersuineq

5.1 Ingerlaavartumik nalilersuisarneq

Inunnik ataasiakkaanik ilitsersuineq nalilersuinerlu aqqutigalugu ilinniarnerup ingerlanerani tamani ilinniartut ilanniartitsissummi killifimminni qaffasissutsiminnik ineriarnerminnillu ersarissumik paasisaqlissapput. Tassunga ilanngullugit sammisaqarnerit ilanniartitsissummi pissarsinermik inuit ataatsiakkaat ataatsimullu qisuariartarnerannik annertusaanerit. Nalilersuinerme ilanniartitsissummi anguniakkat tunngaviupput.

5.2. Misilitseriaatsit

Atuarfik klassinut ataasiakkaannut militsineriaatsini marlunni ukunani ataaseq toqqassavaa:

Misilitseriaaseq a

Oqaasertat ilisimaqqaarneqanngitsut apeqqutillu arlallit atorlugit suliassat tunngavigalugit oqaluttariarsorluni misilitsinnej.

Piaareersarnissamut minutsit 60-it missaanni piffissaliisoqassaaq, piffissarlu soraarummeerfik soraarummeertumut ataatsimut minutsit 30-it missaaniissallutik. Soraarummeerneq soraarummeertup soraarummeertitsisullu oqaloqatigiinnerisigut ingerlanneqassaaq.

Misilitseriaaseq b

Oqaasertat ilisimariinngisat ilanniartitsinermei sammisamik imaqtut tunngavigalugit oqaluttariarsorluni misilitsinnej.

Ilanniartut tamarmik ulloq sioqquillugu suliassamik tunineqassapput, piffissarlu piaareersarfissaq 24 tiimit missaaniippoq, 24 tiiminilli sivikinnerussanan. Piffissaq soraarummeerfik soraarummeertumut ataatsimut 24 minutsit missaaniippoq. Piffissami piaareersarfimmi suliassaq aallaavigalugu misilitsittut annerpaamik quppernernik marlunnik annertussusilimmik eqikkaalluni takussutissiamik suliaqassapput. Soraarummeertut atortut allaavigalugit eqikkaallutik takussutissiamik annerpaamik quppernernik marlunnik suliaqassapput, (naqinnerit 2400, akunnequisussat ilanngullugit).

Soraarummeernermi soraarummeertsisumit itisiliilluni apeqquutit ilanngullugit eqikkaalluni takussutissiaq aallaavigalugu misilitsittoq saqqummiissaq

5.3 Naliliinermi tunngaviiit

Ilikkagassatut anguniakkat soraarummeertup qanoq annertutigisumik angusinerani nalilersuinikkut naliisoqassaaq. Nalilersuinermi soraarummeertup piginnaasai uku pingartinneqassapput:

- a) suliaqarfimmi ilisimasai,
- b) suliaqarfimmi atuagarsorermik periutsinillu atuinera
- c) suliaqarfimmi ajornartorsiutinik nalilersuisinnaassuseq, oqalliseqarsinnaassuseq nalilersuisinnaassuserlu aamma
- d) suliaqarfimmi ilinniakkanik aaqqissuussisinnaassusia ingerlatitseqqiisinnaasusialu.

Soraarummeertup oqaluttariarsorlu saqqummiineranik ataatsimut naliliilluni karakteriliisoqassaaq.